



UNIVERSIDADE  
DE VIGO

## SUPLEMENTO EUROPEO AO TITULO NA UNIVERSIDADE DE VIGO

O Real Decreto 1044/2003, de 1 de agosto, B.O.E. do 11-09-2003, ten por obxecto establecer as condicións e o procedemento polo que as universidades españolas poderán expedir o Suplemento Europeo ao Título (en adiante SET), co fin de que os actuais universitarios españois poidan beneficiarse ao terminar os seus estudos das vantaxes que comporta, para a súa mobilidade académica e profesional, noutras universidades e outros países europeos o que os seus títulos vaian acompañados dun documento de información sobre o nivel e contido dos ensinos que cursen nunha universidade española.

A existencia do SET xustifícase fundamentalmente pola diversidade de ensinos e titulacións existentes en Europa, as dificultades no seu recoñecemento, o incremento da mobilidade dos cidadáns e a insuficiente información achegada polos títulos oficiais universitarios.

O Suplemento Europeo ao Título expedido pola Universidade de Vigo é un documento complementario do Título Oficial Universitario. Elabórase en tres idiomas: galego, español e inglés e ten, así mesmo, a consideración de Suplemento Europass (programa europeo que facilita a formación e o traballo en Europa). O SET é un documento de información unificado e personalizado para cada persoa titulada, no que fundamentalmente se detallan os estudos cursados, as materias superadas tanto na propia Universidade como, no seu caso, noutras Universidades, así como as competencias e capacidades profesionais adquiridas.

Por todo o exposto anteriormente, este Consello de Goberno ACORDA:

1. Ámbito de aplicación: Poderán solicitar e obter o Suplemento Europeo ao Título os/as estudiantes da Universidade de Vigo que remataron os estudos oficiais a partir da data de entrada en vigor do Real Decreto 1044/2003 (12 de setembro de 2003). Entre estes plans de estudos incluiranse as titulacións estruturadas por materias que se relacionan a continuación:

### Campus Pontevedra:

- Licenciado en Belas Artes

### Campus de Vigo:

- Enxeñeiro Industrial
- Enxeñeiro Técnico Industrial
- Licenciado en Química

2. Corresponde á Secretaría Xeral ditar as normas de desenvolvemento do establecido neste acordo.

Na sesión de Consello de Goberno de data 23 de xullo de 2007 aprobouse o regulamento de expedición do Suplemento Europeo ao Título. En dito regulamento establecese que corresponde á Secretaría Xeral ditar as normas de desenvolvemento do mesmo.

Tendo en conta que faise necesario establecer un procedemento que regule ante quen se pode solicitarse o Suplemento Europeo e que órgano da Universidade expide dito documento, esta Secretaría Xeral resolve:

Primeiro. O SET non poderá solicitarse con anterioridade á solicitude do título oficial universitario. Cada titulado universitario terá dereito a un SET. Os alumnos interesados en obter o SET poderán solicitalo:

- a) conjuntamente co título oficial
- b) únicamente o SET con posterioridade á solicitude do título

O lugar de presentación da solicitude será na Secretaría de Alumnos do Centro onde rematou os seus estudos. A Secretaría expedirá o documento de pago, segundo as taxas previstas no Decreto 137/2007 de data 12 de xullo (DOG do 16 de xullo).

O alumno deberá entregar na Secretaría de alumnos, xunto coa súa solicitude, o documento xustificativo de pago da expedición do SET e copia do D.N.I.

A Secretaría de alumnos entregará ao alumno unha copia selada da súa solicitude e do pagamento das taxas correspondentes.

Segundo. Os centros deberán remitir ao Servizo de Alumnado:

a) No caso de que solicite o SET e o título:

- solicitude do alumno e toda a documentación correspondente ao título oficial

b) No caso de que soamente solicite o SET

- a solicitude do alumno, copia do DNI e copia do pagamento

Terceiro. Os centros deberán comprobar que o expediente do alumno contido no XESTA cumple todo o reseñado na circular remitida a todos os centros polo Xefe de Servizo de alumnado con data 22 de Marzo 2006. No caso de que o alumno fose ERASMUS deberán remitir toda a documentación ( contrato e certificación estranxeira ) ao servizo de alumnado xunto coa instancia

Cuarto. Unha vez expedido o SET, será entregado ao interesado no servicio de alumnado.

Vigo, 20 de setembro de 2007

A SECRETARIA XERAL

Esther González Pillado

Sra. Vicerreitora de Titulacións e Converxencia Europea

Sr. Xefe do Servizo de Alumnado

Sres/as Administradores/as de Centros e Campus

Sres/as Xefes/as de Administración e de Área Académica